



Qauyimatjutingit

Kuapuriisinga

Nunavunmi Nanminiaqqtunun Atukkirvik atukkiqtivaktut Nunavunmi ittunut nanminiaqqtunut ikayuriamiknik maniliurnikkut pipkaiquplugiklu havaakhanik Nunavunmiunut.

Titiraqhimayumi *Nunavunmi Nanminiaqqtunun Atukkirvik Maligami*, aulapkaiyuyut tikkuqaqtauhimavaktut pingahunik-ukiunik havakhutik Ministanit (Kamisinauyyuq Maligaliurvikmi Hivuliqtingit) pitqutiplugik Ministauyuq Pivalliyuliyiyikkunnut Ingilrayuliriyikkunnullu.

Nutaat Aulapkaiyuyut

Nancy Karetak Lindell pitqutigivaga Nunavut Maligaliuqtiuyuq Maligaliurvikyuami 1997mit 2008mut. Tatja aulapkaiyuyuuq umunnga Jane Glassco Arctic Fellowships ikayuqtiuyuq ukiuqtaqtumiutanut Nunavunmit maligaliuqtakhanik ihumaliuquni aliagiyaminik.

Donald Haviyak havaktuugaluaq Kugluktup Maligaliuqtiupluni 1999mit 2004mut. Maligaliuqtiupluni Ministauyuq Pitquhiliqiyikkunnut. Atannguyaugaluaqlu Kitikmeot Katimayiitut 2005mit 208mut. Haviyak tatja Kugluktup Havaatigut Havaktiuyuq Uyarakhiuqtinut Katimayiingitnut, atauhiq taamna nunaryuaptikni angitqiyauyuq piliuqtut zinc-mit nanminiaqqtullu High Lake-mik Izok Lake-miklu havauhikhat Kitikmeonmi.

Marg Epp ikayuqpaktuq nanminiaqqtunut pigiamikni Kitikmeonmi taimaa tallimanik ukiunik. Havakpaktuq Kitikmeot Maniliurnikkut Pivallianiq Katimayiinginnut tatja havaktuq Aulapkaivliupluni atukkiqtiyunut timiqutigiyanginnut Kitikmeot Nunallaani Hivunikhanganut Katimayiuyuq. Epp-tauq nanminiriyaa maniliqinirmut uqatjiuplunilu.

Wayne Solomon maniliurutigiyuq Iqaluktuutiami Kitikmeonmilu 2005mit. Havakpaktuq kiinauyaliqinirmut Kitikmeot Kuapuriisinganut umunngalu Nunavunmi Ihumaliuqtiuyunut Katimayiinginnut. Solomon tatja nanminiriyaa uqatjiupkaipluni pipkaiyuq kiinauyaliqinirmut, qaritauyaliqinirmut havaamullu ikayuqhuni haamlatkunnut havakviyunullu.